

ጳውሎስ ፊልሞናስ ፃፊዳ ዲብዳቢያ ጋሳ ቆፋ

ፊልሞኒ ኤሬቲዳ አማኒያ አሲ። ኢ ቆላሲያሳ ዋሳ ኬላ አሲ ጊደና አቲና። ፊልሞናስ አናስሞሳ ጊያ አይሌይ ዳዔስ። ሄ አይሌይ ባ ጎዳፔ ቤቲዲ ቢዳ ዋዴ ቃሾ ኬላን ዳዔያ ጳውሎሳራ ጋሂቲስ። አናስሞሲ ዩሱሳ አማናና ሜላ ኦሊዳይ ጳውሎሳ። ጳውሎሲ ፊልሞናስ ፃፊዳ ዲብዳቢይ፣ ፊልሞኒ ጉዬ ሲሚዲ ኢያኮ ቢያ ባ አይሊያራ ሲጌታና ሜላ አኬኪሴስ። ጉጂዲካ ሃዒ አናስሞሲ አማኒያ አሲ ጊዲዳ ጊሾ ሂዛፔ ጉዬ አማኒያ አሻዳ ኢያ ሞኪ ኤካና ሜላፔ አቲን አይሌዳ ኢያ ታይቦናዳ ኢያው ኦዴስ።

ፊልሞና ኪታ አይፌ ቆፋታ

ሳርሶ 1-3

ጋላታኔ ዋሳ 4-7

ጳውሎሲ አናስሞሳ ጊሾ ፊልሞና ዋሲስ 8-21

ኩሻ ቆፋ 22-25

1 ታኒ ጳውሎሲ፣ ዩሱስ ኪሪስቶሳ ጊሾ ቃሾን ዳዔይሲኔ ኑ አሻ ጃሞቲዮሲ፣ ኑራ ኦሊያ ኑኒ ደሲያ ፊልሞናስ፣ 2 ኔ ሶን ሺቂያ ዋሳ ኬላስ፣ ኑ ሚቹ አፊቢያሲኔ ኑራ ኢሲፌ ዳዔያ ዋታዳሬ አርኪዳሳስ ፃፊዳ ኪታ።

3 ያሳ ኑ አዋፔኔ ኑ ጎዳ ዩሱስ ኪሪስቶሳፔ አጾ ኬሃቴላይኔ ሳርቴላይ ሂንቴው ጊደ።

ፊልሞና ሲቁዋኔ አማኑዋ

4-5 ኔኒ ጌሻታ ደሴይሳኔ ጎዳ ዩሱሳ አማኔይሳ ታኒ ሲዒያ ጊሾ ያሳ ዋሳሼ ኔና ቆፒያ ዋዴ ኡባን ታ ያሳ ጋላታይስ። 6 ኔኒ ኔ አማኑዋ ሃራታስ ሻኬይሲ ኑስ ኪሪስቶስ ዩሱሳ ባጋራ ያ ሎያባ ኡባ ኤሪሳና ሜላ ታኒ ያሳ ዋሳይስ። 7 ጌሻታ ዋዛናይ ኔ ኦሱዋን ሚኒዳ ጊሾ ታ አሻው፣ ታኒ ኔ ሲቁዋን ዳር ኡፋይሲኔ ሚንሌዳ ደማስ።

ጳውሎሲ አናስሞሳ ፊልሞናስ ኦዲስ

8 ሃሳ ጊሾ፣ ነኒ ኦላናው ቤሲያባ ኦላና ሜላ ኔና ኪታናው ኪሪሰቶስ ባጋራ ታው ሚኖቴሊ ዳዔስ። 9 ታኒ፣ ጨማይ ጳውሎስ፣ ኪሪሰቶስ ዩሱሳስ ሃዒካ ቃሾን ዳዔይሲ፣ ሲቆን ኔና ዋሳይሲ። 10 ታኒ ቃሾን ዳዔሼ ኢያው ዘሪያ አዋ ጊዳዳ ታ ናባ ኣናሰሞሳ ጊሾ ኔና ዋሳይሲ። 11 ኢ ካሴ ኔና ማዳና፣ ሺን ሃዒ ኔናካ ታናካ ቱማ ማዲያ አሲ።

12-13 ታኒ ዋዛናፔ ደሲያ ኣናሰሞሳ ኔኮ ዩዳይሲ። ታኒ ዋንጌላ ጊሾ ቃሾቲዳሺን፣ ኔ ጊሾ ታው ኦሊዲ ታና ማዳና ሜላ ታ ማታን ኢያ ኣሻናው ኮያስ። 14 ሺን ኔ ሼኔዳ ኦላናው ኮያሲፔ ኣቲን ኔራ ዘራቶና ዋልቃን ኣይኮካ ኦላናው ኮዩኬ።

15 ኣናሰሞሲ ጉላ ዋዳ ኔፔ ሻኬቲዳይሲ፣ ኦኒ ኤሪ ሲሚዲ ኡባ ዋዳ ኔራ ዳዎና ኣገና። 16 ሂዛ፣ ሃይሳፌ ጉዬ ኣናሰሞሲ ኣይሌ ጊደናሺን ኣይሌፌ ኢ ዳሮ ኣዳሰ። ኢ ታው ኣይ ሜላ ሲቆ ኢሼ! ቃሲ ኢ ኔው ኣሳ ባጋራካ ጎዳ ባጋራካ ኣዲዳ ኢሻ።

17 ሂዛ፣ ኔኒ ታና ኔ ላጌ ጊያባ ጊዲኮ ታና ሞኬይሳዳ ኢያ ሞካ። 18 ኢ ኔና ቆሃዳባይ ዋይኮ ኢ ኣጮቲዳባይ ዳዒኮ ታፔ ኤካ። 19 ሄ ኣጩዋ ታኒ ቃንፃና ጋዳ ታኒ፣ ጳውሎስ፣ ታ ኩሼን ፃፋይሲ። ኔኒ ታው ኔ ሼምፑዋ ኣጮታ ኡቲዳይሳ ታኒ ኔና ኣኬኪሳናው ኮሼና።

20 ታ ኣሻው፣ ጎዳ ባጋራ ኔፔ ማዳ ዳማናው ኮያይሲ። ኪሪሰቶሳ ባጋራ ታና ሚንሌላ። 21 ታኒ ጊዳይሳፌ ዳሮ ኔኒ ኦላናይሳ ኤራዳ ቃሲ ኔ ታው ከቲታናይሳ ኣማናዳ ሃይሳ ፃፋይሲ።

22 ዎሳይ ሂንቴ ዋሳ ሲዒዲ ታና ሂንቴኮ ጉዬ ዛራና ጋዳ ቆፒያ ጊሾ ታው ኢማሊ ሼምፒያ ኬሊ ጊሊሳ።

ወርሴላ ሳሮታ

23 ኪሪሰቶስ ዩሱሳ ጊሾ ታራ ቃሾን ዳዒያ ኤጳፊሪ ኔና ሳሮ ሳሮ ጌሰ። 24 ቃሲ ታራ ኢሲፌ ኦሊያ ማርቆሲ፣ ኣርሰዲሮኮሲ፣ ዳማሲኔ ሉቃሲ ኔና ሳሮ ሳሮ ጎሶና።

25 ጎዳ ዩሱስ ኪሪሰቶሳ ኣዶ ኬሃቴላይ ሂንቴ ኣያናራ ጊደ።

1:10 ቆላ 4:9 1:23 ቆላ 1:7፤ 4:12 1:24 ሃ.ኦ 12:12፣ 25፤ 13:13፤ 15:37-39፤ 19:29፤ 27:2፤ ቆላ 4:10፣ 14፤ 29ሞ 4:10-11

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 21 Feb 2024 from source
files dated 29 Jan 2022
c35d6c73-3843-5482-b53e-7559d35deee5